

## Universitätsbibliothek Paderborn

### Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium  
consignavit

Vitæ Venerabilis Virginis Marinæ De Escobar. Pars Prima

**Puente, Luis de la**

**Pragæ, 1672**

Cap. 16. Quomodo à Deo jussa fuerit ascendere in spiritu ad cœlestem  
aulam per terribilissimam scalam, fueritque ipsi reverlatum, quàm pauci  
ita ascendant, ut perseverent usque ad finem, & qualiter ...

**urn:nbn:de:hbz:466:1-38580**

bit. Unum tibi dicam, quod attinet ad terram, in qua te posui, & à qua retinebaris. Causa ejus rei erat, quod ipsa allegaret tuum corpus jure ad se pertinere, & se juxta legem ordinariam petere justitiā, ac velle sibi tribui, quod eatenus esset sibi debitum. Mea anima vehementer obstupuit; quod illi hoc à Domino diceretur, sed adhuc optabat reliqua rescire. Cùm Domin⁹ agnosceret, quid animo volveret, dixit: Exponam tibi cætera, quæ desideras. Noveris igitur, quid tibi mecum acciderit, quando te constitui in eo Castello, ubi tibi ostendi partes mundi, quæstusq; sum, quod mihi mæcæ creaturæ malè respondeant, & jussi te pro illis orare, id quod tu facis, obediendo mihi. Eapropter tu fuisti aliquâ ratione quasi Domina cōstituta eorum, quæ vidisti, & ego tibi ostendi, eum in modum, quo aliquis emeret suâ pecunia, vel pretio sibi gratis dato, agrum aut fundum. Præterea ego omnia creavi in usum hominis, & specialissimè pro meis servis, ac amicis, qui me amant, mihiq; ex corde, & serio ac libenter serviunt; propter quod ipsos facio quasi Dominos rerū

omnium, tanquam filios meos adoptivos; siquidem universa ipsis debentur, & insuper possessio æterna mei ipsius, quod Dominum etiam tibi contuli hodie, dando tibi quasi possidenda hæc omnia, quando te posui in quavis parte, & loco eorum, quæ tibi gratioso dono. Hoc significant illa, quæ vidisti, & quæ tibi evenerunt. Dum mea anima audiret ista sibi à Domino dici, statim initio primorum verborum intellexit omnia secutura, & vehementer confusa ac pudefacta ijs, quæ ipsi Dominus dicebat, ac fusiō volebat dicere, valde dolenter dixi: Domine mi, & mi DE US, noli mihi dicere plura, per temetipsum tergo, quia te optimè intellexi, & sum vehementer confusa ac pudefacta, expendens tuam misericordiam & Bonitatē erga me, meam verò malitiam, & quam tibi sim ingrata; noli mihi dicere plura, Domine. Anima mea (respondit Dominus misericordiarum) nonne ego tibi dixi in principio tui desiderij, quod tibi non esset futurum volupe, scire significationem horum mysteriorum? Vale.

¶\*)\*(30)

## C A P U T X VI.

**Quomodo à D E O jussa fuerit ascendere in spiritu ad coelestem Aulam, per terribilissimam scalam, fueritque ipsi revelatum, quam pauci ita ascendant, ut perseverent usque ad finem, & qualiter alias conscenderit similes scalas, onusta gravi Cruce.**

### §. I.

**A**llam visionē habuit Marina, que strictim magis declarat, descriptam in precedenti capite. Quādam feriā tertiā Hebdomadæ sanctæ, inquit, dum agerem cum D E O, & essem valde afflita, vidi scalam à terra pertingentem usq; ad cœlum, infernè latam, ac supernè angustissimam, & supra illam Christum Dominum, qui nahi dicebat: Ascende

huc. Ego tergiversabar, timens angustiam scalæ, mei verò Domini quatuor Angeli me animabant, ideoque confitui ascendere: quando autem perveniebam ad summam altitudinem, angebar, & vehementer sudabam, tandemque veni ad colum, ubi Angeli linteo absterserunt sudorem meum vultum. Postea nahi dixit Dominus: Perlustra istam coelestem Cratatem, & recreare ejus aspectu. Paulò post rursum: Perge illuc, aiebat, & videbis, quid fiat. Perrexi ad locum nahi à Domino designatum, & cùm aspicerem deo-

deorsum; vidi maximum campum, plenum innumeris hominibus, atque hos iurantes, & blasphemantes; illos ridentes; alios committentes fura; alios labentes in multa peccata; & in medio eorum cōmeantes multos dæmones, qui illos stimulabant ad peccandum. In quodam campiloco separato & remoto videbam Religiosos, ac viros pios, deditos contemplationi, nec non quasdam devotas fæminas, quæ erant plures: Verum aderti omniū numerum esse exiguum, respectu tam magni campi, ac tantæ multitudinis, quæ in eo erat. Dixitque mihi Dominus: Hoc sit in mundo, & in Christianitate. Tum intuita scalas, quas conscenderam, vidi in ijsdem aliquos ascendentes, & post superatos paucos gradus corruentes, aut recedentes, quia erant vel valde obserati, vel pinguis aut corpulenti; atque etiam Religiosi ascendebant, quorum nonnulli cedebant, vel revertebantur. Intellexi autem hæc omnia fieri propter prætensiones, quibus omnes isti erant obnoxij rerum mundanarum ac terrenarum. Afflixit me ea res summe, eo quod viderem, quam pauci serio serviant D E O, & suppliciter ipsum rogabam, ut omnibus succurreret.

### §. II.

**P**ostquam alias (in Septembri anni 1620.) noctem unam transfigissem in horrendis cruciatibus, haberemq; meum cor quasi confractum, & saucium commiseratione, ac vivaci apprehensione, quam illi D E U S ipsius dederat, molestiarum, angustiarum, & infirmitatum ac dolorum, quibus premebantur mei proximi, vocavit me Dominus, dixitque: Anima, veni ad me, & concende hos gradus, quos jam vides; licet autem appareant ascensiū difficiles, mei Angeli te juvabunt. Subito me reperi apud infimum gradum scalæ altissimæ & præcipitis, quæ videbatur esse valde ardua, ideoque difficulter posse concendi. Elevavi oculos, & aspexi, ac timui ipsius ascensum. Tunc venerunt ad me Angeli, & confortaverunt me dicentes: Noli timere, Anima, istum ascensum, quia Do-

minus D E U S te juvabit, & nos nomine ipsius. Hoc dicto, accrebit meæ animæ animus, & vires. Cum verò inciperem scandere scalam, utcunq; animata, quemadmodum dixi, vehementer timebam. Angeli me animabant & confortabant descendendo: Noli timere, quia non periclitaberis, Divinâ opitulante gratiâ. Hac ratione perveni ad finem istius scalæ, quæ pertingebat ad ipsum cœlum; ubi attollens oculos, vidi Majestatem J E S U Christi Domini Nostri, & totam Beatissimam Trinitatem. Tunc mihi Dominus dixit benignè & amanter, assumens meam animam ad se ipsum: Intra, Anima, cum benedictione in requiem æternam tui D E I. & postquam illi exhibuisset spectandam æternitatem infinitorum ac maximorum bonorum, oblectavit se illis aliquamdiu; donec ipsam ex suis brachijs dimisisset ad manus Angelorum, qui eam deduxerunt ad illius locum.

Post aliquot horas mihi dixit Dominus: Anima, nunquid es bene contemplata hoc mysterium? representabat tuum statum, ac viam, quæ te oportet ad me venire. Gradatim cum tua cruce ascendis in altum, dum amore mei pateris, quod tibi ego offero ad majus tuum bonum, atque ut in te glorificer, & impleantur ea, quæ ab æterno decrevi. Ascendis autem adjuta à me, & à meis sanctis Angelis, conservando semper timorem, qui est in vita mortali necessarius; & hoc modo ascendendo, pervenies istâ viâ ad tuum D E U M, adibisque æternam possessionem gaudiorum ipsius, ac beatitudinis.

### §. III.

**A**lio die (9. Augusti, anno 1621) Sancti Angeli, mei Domini, me duxerunt per quasdam scalas sursum ad ecclœstem Jerosolymam: erant scalæ internè latissimæ, supernè verò arctissimæ, & pertingebant usque ad cœlum. Incepi illas conicdere cum cruce, quam gestabam in meis humeris, ejus magnitudinis & coloris, cuius sunt crucis, quas ferunt penitentes in supplicationibus. Initio vehementer recu-

sabam

S 5

sabam illas scandere, propter meos solitos timores, neque perveni ulterius, quām circiter ad earum medietatem, cum maximo labore & molestia mea, atque ideo fui reducta ad meum locum. Paulò post incepis secundò ascendere, onusta mēa cruce, cum eodem labore, & sudando, ac tandem cum magna afflictione perveni usque ad portam cœli, quam inveni clausissimam, & incepi pullare, petivique mīhi aperiri; neque tamen accipiebam ullum responsum. Incepi vocare sanctos meos Patronos, rogans ipsos, ut mīhi aperirent, specialiter verò invocabam Sanctum Apostolum Petrum, & Sanctum Michaëlem, ac sacratissimam Virginem, quām devotissimè, usque ad defatigationem. Omnesse fingebant surdos, & mei sancti Angeli contrahebant humeros, urgebantque me, ut clamarem, & sudabam valde præ molestia. Venit ad me Sanctus meus Angelus Custos, abstersitque peramanter meum sudorem, quo madebat facies, dicens: Clama, Soror, nè cesses. Tunc temporis vidi, quod Crux inciperet vehementer resplendere, & recordata Sanctorum Patrū, Sancti Dominicī & Sancti Ignatij, cœpi illos invocare, dicendo: Patres sancti, aperiāt mīhi portam, ac intercedant pro me. Et fuit in momento apertum Cœlum, quasi pars illius disrumperetur, atque Beati Patres me introduxerunt: Crucem autem, quam gestabam humeris, abstulit quidam Angelus, quæ respellduit millies magis, quām aurum, & intulit illam mecum ad Cœlum. Ingressa, subito vidi Majestatem Christi Domini Nostri, cum omnibus Sanctis, quos invocaveram; prostravi me ad sanctissimos ipsius pedes, ergensque me à genu flexione, cecidi super brachia & manus Domini, qui stabat ac habebat manus pendulas. Mansi diu in ecstasi, in qua sum contemplata Divina magnalia, quæ nemo potest, neque novit explicare. Elevavit me Dominus ex eo loco, in quo eram, ita abreptam, ac destitutam viribus, ut non potuerim pedibus confistere: acclinavi me ad Christum Dominum utroque brachio, qui hoc modo acclinatam, stupentibus omnibus illis San-

ctis & Angelis, à sua Humanitate, apud quam eram, me duxit ad conspectum Beatissimæ Trinitatis, dixitque suo sanctissimo Patri: Pater æterne, hic adduco istam tuam creaturam, ut tua Divina Majestas illi benedicat. Et continuò mihi disparuit Christus Dominus. Pater æternus mīhi benedixit, univitque me secum tam formi unione, ac tam extraordinariâ, ut fuera una ex majoribus, quas unquam habui, & in illa vidi perfectiones DEI, plureq; Divinorum ipsius Attributorum perfectiones, quām possint verbis explicari, aut percipi ab imaginatione humana. Aliquanto post dixit Divina Majestas meis sanctis Angelis: Reducite istam creaturam ad eū locum. Ego non volebam abire, sed potius ibi perpetuò manere; Dominus autem mihi dixit: Noli dubitare, tebū migraturam, paucenim tibi defūt gradus ad perfectionem requisitam, ut apud me maneas. Postquam id dixisset Dominus, ipse me ita unitam suæ Majestati deduxit, mecum descendendo ad meum locum, ubi me reliquit magnā abreptam ecstasi. Quando ad me redij, reperi me locam.

#### §. I V.

**Q** Vodā die (in Septembri anni 1623) vidi, quod duo ex meis Dominis Angelis sustentarent suis manibus scalas ex auro splendidissimo, quasi in aere, ita ut non contingenter terram: Erant autem posteriore sui parte valde arduæ, & quasi pronæ ad casum. Iisserunt me illas scandere, quæ erat ascensus difficilior. Ascendi cum maximo labore & molestia, donec pervenirem ad earum summitem, unde intravi cœlum ad conspectum Beatissime Trinitatis. Mansi ibi diu, quasi in ecstasi, fruendo felicibus & beatis bonis, quæ non possunt explicari, cum magna voluptate, & quiete. Indè me reduxerunt ad meum angulum, & dixi intrà me: Quid est hoc, ascendere per posteriorem & arduam scalarum partem? melius fuisset ascendere ex parte, in qua illa Angeli tenebant. Dominus autem mihi dixit: Noveris Soror,

ad cœlum esse ascendendum per molestias, & angustias, & non per scalas commoditatum, quemadmodum existimant mundani. Atque hoc te volui docere in mysterio, quod vidisti.

Alio die (in Februario anni 1623.) cùm essem vehementer afflita à meis continuis doloribus & cruciatibus, reperi me onusta cruce gravissimâ, ut difficillimè ambularem, comitantibus me Dominis meis Angelis, qui me illam juvabant portare. Ascendebam quosdam gradus per commodos, & latos, donec pervenirem ad cœlum. Ubi quasi ad illius portas pervenisse, Dominus prodijt ad me excipiendam, dixitq; mihi: Soror, depone Crucem, quia nemo cum illa huc potest ingredi: in exilio oportet esse cruces, per quas itur, usque dum perveniatur ad cœlum. Statim fuit ablata Crux ex meis humeris, & Dominus me induxit in illam cœlestem patriam, ubi Divina Majestas se arctè univit meæ animæ, mansique ibi satis diu, fruens illo summo Bono, & conquiescens in ipso. Postea dixi ad meum sanctum Angelum Custodé: Verè, Domine Angele, crux erat admodum gravis, ut, nisi me juvissent illam portare, non potuisset à me sustineri: quando accessisti ad me, & applicuisti tuos humeros, sensi ingens levamen. Sanctus Angelus autem mihi respondit: Ita fuit, Soror, nos Angeli DEI sumus prædicti magnâ potentia, & ex officio nobis incumbit juvare Servos DEI in ipsorum afflictionibus atque crucibus, quas patiuntur.

## §. V.

**D**enique nè natum nimium timeret ascendere scalas tam arduas, cum cruce tam gravi, ingruente mortis tempore, quod est periculissimum, representavit illi Dominus in duabus admirandis visionibus auxilia, que tunc esset habitum. Quadam nocte, ait, drepentè me inveni extra meum lectum in terra stantem, oneratam cruce gravissimâ, ita ut me non possem movere ex loco, in quo stabam. Aspiciebam meos sanctos Angelos, qui aderant, modò hunc, modò illum, quise ostendebant vices me-

§. 2

§. VI.

as dolere, & animabant me ad ferendam meam crucem. Sanctus meus Angelus Custos illam modicum sustentavit, & sic potui incipere cum ipsa progredi, comitantibus me sanctis Angelis, qui dicebant: lentè, lentè; quasi dicarent, ut incederem paulatim & pedetentim. Postquam diu hoc modo ambulavisse, descendendum mihi erat procul deorsum ad profundam vallem, qui descensus fuit molestior. Perveni ad quendam fluvium, quem facilius transivi, atque trans ipsum erat via instar paradisi. Dixeruntque Angeli esse mihi eundum per illam viam. Ego verò illis respondi: Non, mei Domini, nolo enim in hac vita paradisum: & hoc bis, terva, constanter afferui. Illi iterum dixerunt: opus esse illac transire, & me tunc non ex-perturaram ejus viæ jucunditatem. Ita confensi, ac transivi per illam viam, gestans meam Crucem humeris, quasi ipsam non transirem. Postquam autem aliquamdiu ambulavisse, ex improviso me inveni apud portas cœlestis Jerosolymæ, ac vidi Christum nostrum Dominum, qui mihi venit obviam, & sustulit meam crucem, quam portabam, deditque illam uni ex ijs Angelis. Deinde me amplexatus est, introduxitque in eam cœlestem Civitatem, & constituendo me in certo loco, dixit mihi: sede, & quiesce, ac aspice magna bona, quæ hic reperiuntur, quibus fruitura es in æternum. Tum ego cum eo lumine, quod mihi Dominus contulit, incepit contemplari beatitudinem Sanctorum, & aliquantum illa frui, ac deinde me sensi quasi submersam in abyssō Divini Esse, unitam Divinæ Majestati. Et postquam ita ibi aliquamdiu mansisse, quando mihi sum reddit, reperi me in meo lecto. Deinde mihi fuit declaratum mysterium totius hujus rei, dum mihi diceretur, quod illa crux significaverit afflictiones, & angustias, quas patior, & maximâ illâ molestiâ, quam sensi in descensu ad eam vallé, fuisse representatas summas angustias, quas, vicina morti essem perpessura, sed non diu duraturas, atque potituram me magnâ pace, & quiete, significatâ per illum paradisum.

## §. V I.

**A**mplius id declarat sequens visio. Ali quando manè, *inquit*, mihi ostendit Dominus quasdam scalas, quæ à terra pertingebant ad cœlum. Erant ex auro purissimo, ac tenebantur à quibusdam sanctis Angelis in parte posteriore. Dixitque Dominus: Ascende sursum, Anima, per has scalas, non enim est, cur illas taliter aptatas, reformides. Auditâ voce Domini, ascendi velocissimè, quia virtus Divina subleyabat meam animam adeò, ut vide-retur esse instar triremis, quam fulcانتem mare suavis ventus velociter impellit. Per-venit mea anima usque ad summitatē il-larum altarum scalarum, & statim vide-bantur aperiri coeli, quasi in momento dis-ruperentur: atque Dominus subito di-xit sublimi quodam & benigno modo: In-tra anima in gaudium tui DEI. Lætata est tum mea anima in ea regia & beata Ci-vitate DEI, in qua illi fuerunt ostensa admiranda bona, quibus aliquamdiu fuit fructa, sicut aliás. Revelavit mihi Domi-nus suo lumine, scalas aureas fuisse figuram & symbolum meæ mortis, in qua in mo-

mento ac facillimè, per ipsius bonitatem, & misericordiam, esset transferenda mea anima ad illam felicem patriam manibus sanctorum Angelorum. DEUS novit confusione, quam mea anima fecerit, quod hoc scribam, & ipsa id intelligat à suo DEO, quāmque timeam, si propter meas tepiditates, ac peccata, deberem perdere thefauros harum misericordiarum. Con-fidam in Domino DEO meo, qui est infi-nitè bonus, & dives in misericordijs.

Hoc tempore, quo mihi DEUS totes revelabat suam Gloriam, dixi meis Domini-s sanctis Angelis, me relinquí incertam à DEO, quoad meum transiū. Ipsi con-traxerunt humeros, & Dominus mihi re-spondit: Non est incertus is, cui profi-cienti ad suam patriam & civitatem of-ferduntur illius turres, & portæ, ac ædificia, & palatiæ. Signum est ipsum esse vicinum Hoc Dominus dixit, ut me conservaret, si-cut me conservat, una cum cruce, quam patior in illa unione animæ cum ipius Di-vinitate, & quasi inter cœlestis Aulæ In-colas.

ee)\*\*(aa)

## C A P V T X V I I.

Quomodo illi Christus Dominus ostenderit in suo Divino pectore Crucem, quam tulerat jam inde à sua Conceptione, eandem que ipsi despousaverit, ducendo illam cum ea ad Cœlum, & cumulando magnis gratijs.

**M**iris modis usus est DEUS, ut famula ipsius tot afflicta doloribus, & alijs, qui yis gravantur, libenter fer-mat crucem, per quam in-tutur in gloriam, quem-admodum eam tulit ipsemet Dominus, qui patiendo in eam intravit.

## §. I.

**Q**uodam die (in Aprili anno 1622.) mihi dixit Dominus: Veni mecum

anima, & videbis, quid tibi velim ostende-re. Ego respondi: Domine mi, sunt tan-tæ gratiæ, quas mihi præstisti, & tam mirabilia, quæ mihi ostendisti, ut nesciæ, quid amplius mihi videndum superfit. Domi-nus autem mihi respondit: Et nonne ego sum Bonum infinitum? quantumcunque videris, supersunt tibi multò plura viden-da, & mihi multò plura ostendenda. Do-xitque me Divina Majestas ad cœlestem Jerosolymam, ubi vidi Christum Domi-num, qui in suo sacro pectore habuit gen-dem Crucem, & dixit mihi ejus Majestas:

Istam